


Штатут конкурзу



РІК РУСИНЬСКОГО СЕЛА ♦ ROK RUSÍNSKEJ DEDINY

Выголошователь конкурзу: *Округлый стіл Русинів Словенська*

Назва конкурзу: Вытварный конкурз на тему *Рік русиньского села.*

Замір конкурзу:

Округлый стіл Русинів Словенська выголосив рік 2020 за *Рік русиньского села.* В рамках активностей, котры выходять із двох акчных планів, якы суть повязаны з Роком русиньского села і кампаньов перед Переписом населіня, домів і кварталів 2021, выголосив вытварный конкурз о найкрасшый вытварный твор на тему *Рік русиньского села.*

Його цільом є мотивовати діти і школярів школ, жебы залучіли ся до конкурзу посередництвом вытварных творів, котры будуть зроблены будьяков техніков і выповідять в них свою позицію, чутя і усвідомліня собі ідентіты, приналежности ку своему народу і гордості на нього. Вытварны творы можуть презентовати село, природны, матеріалны ці історічны памятки і інтересности выбраного села, в котрім жыє і численна комуніта членів русиньской народностной меншыны.

Правила конкурзу:

1. Вытварный конкурз буде проходити од 17-го септембра 2020-го року до 31-го януара 2021-го року.
2. Категорії конкурзу:
 1. катерія: матерська школа
 2. катерія: 1. - 4. класа ОШ
 3. катерія: 5. - 9. класа ОШ
 4. катерія: 1. - 4. класа ОУШ
 5. катерія: 5. - 9. класа ОУШ
3. Школы выголосять школьскы кола, в котрых выберуть в каждой категорії три найкрасшы творы і заженуть їх на адресу ОШ з МШ Кленова. Єдночасно треба вшиткы творы на задній стороні означіти (назва твору, мено і призвиско автора, школу, вік, категорію і класу). Максимальный формат твору є А2.

4. Конкурз буде проходити в трьох етапах – шкільське коло, окресне коло, цілословацьке коло. До цілословацького кола поступлять три твори з каждой категорії з каждого окресу.
5. В рамках конкурзу є зряджена тричленна порота з области вытварного уменя. Задачов той пороты буде vybrати три вытварны твори з каждой категорії, з каждого окресу, котры поступлять до цілословацького кола. Потім з них выбере порота в каждой категорії три вітязны твори. Авторы будуть одмінены материалныма цінами.
6. **Членове фаховой пороты:**



Академічний маляр **Андрій Смолак** народив ся у 1953-ім році в Гуменнім. Дітинство і молодость пережив у днесь вже затопленім селі Старина. Штудовав вытварну выхову і російскый язык у доц. акад. маляря Юрія Кресилы в Пряшові, на Академії вытварных умень в Празі у професора В. Поспішила. В році 1993 ведно із своїм братом ПгДр. Міром Смолаком одкрыв першу галерію на Словакії в Снині, як філію Галерії МІРО Берлін. До 2003-го року галерія існовала під сполочнов назвов Галерія МІРО, пізніше мала сполочну назву Галерія МІРО Берлін – Прага – Снина – Братіслава. Од 2004-го року фунгує як Галерія Андрій Смолак в містах Снина і Братіслава. У 1994-ім році основав Меджінародный малярскый пленер і Меджінародный вытварный фестивал в Снині. Так само є основателем двох фундацій, Фундації ART.EAST на підпору вытварного уменя, і Фундації Кременець на підпору культуры Русинів. <https://galeriaas.sk/>



Анна Гайова, академічна малярка ся народила в році 1964 в Пряшові. Штудовала пропагачну графіку в Кошыцях і вытварне уменя в Братіславі, одділіня книжковой творчости. Абсолвовала штудійны стажы в Італії і Франції. Є членков Словацькой вытварной унії - Братіслава, членков і председателем Общества Копа – Пряшів, членков Рег Spectrum – Пряшів і має галерію AG GALLERY В Пряшові. www.artgajova.sk



Марцела Рунянинова, директорка Основной школы з матерьсков школов з навчалным языком русиньскым в Кленовій. Народила ся в Снині у 1975-ім році. Є учительков про 1-ый ступень основной школы. Окрім работы учителькы і директоркы школы активно діє в регіоні і намагать ся пробудити русиньске школство до активного жывота. mruaninov@gmail.com



Часовий гармонограм конкурзу

Термін	Активіта
17. септембер 2020 р.	Выголошіня конкурзу
17. септембер – 31. януар 2021 р.	Реалізація школьских кол
До 07. фебруара 2021 р.	Послання творів на адресу контактной особы
07. фебруар - 09. фебруар 2021 р.	Оціньованя творів фаховов поротов подля окресів
09. фебруар - 11. фебруар 2021 р.	Оціньованя творів у цілословацькім колі
12. фебруар 2021 р.	Выголошіня резултатів конкурзу Рік русиньского села

Адреса і контактна особа про посыланя творів:

Marcela Ruňaninová
Základná škola s materskou školou
Klenová 111
067 72 Klenová

Контактны даны выголошователя:

Okrúhly stôl Rusinov Slovenska (OSRS)
Jarkova 77
080 01 Prešov
IČO: 530 520 56
IBAN: SK13 8330 0000 0021 0184 3292
00421 903 533 101
info@okruhly-stol.sk
<https://okruhly-stol.sk/>
<https://www.facebook.com/OkruhlyStolRusinovSlovenska/>